



[Home](#) / [2024](#) / [April](#) / Pencapaian Terbaik UiTM dalam QS World University Rankings by Subject 2024

BERITA GRU2025

10/04/2024 / Department of Rankings, UiTM Global

10 April 2024 – Universiti Teknologi MARA (UiTM) disenaraikan untuk 18 subjek merentasi empat bidang utama dalam QS World University Rankings (WUR) by Subject 2024 yang diumumkan hari ini. Ini merupakan pencapaian terbaik dalam sejarah UiTM berbanding pencapaian tahun lalu dengan 13 subjek merentasi tiga bidang utama. Pada tahun ini, 1,561 institusi telah disenaraikan merentasi 55 subjek dan lima bidang utama.

Antara pencapaian paling ketara pada tahun ini ialah subjek Fizik dan Astronomi yang disenaraikan buat kali pertama dalam sejarah UiTM dengan berada dalam kedudukan 551-600. Subjek Pendidikan juga berada dalam kedudukan 351-400 sejak kali terakhir disenaraikan pada tiga tahun lalu. Subjek Kimia turut berada dalam kedudukan 551-600 sejak kali terakhir disenaraikan pada tahun 2021. Secara keseluruhannya, pada tahun ini tujuh subjek telah menunjukkan peningkatan iaitu Seni dan Reka Bentuk, Farmasi dan Farmakologi, Kejuruteraan Elektrik, Pengajian Perniagaan dan Pengurusan, Ekonomi dan Ekonometrik, Kejuruteraan Mekanikal, Aeronautik dan Pembuatan, serta Sains Komputer dan Sistem Maklumat.

Pengurusan Hospitaliti dan Rekreasi pula, terus mengekalkan kedudukannya sebagai subjek terbaik UiTM apabila tersenarai dalam kedudukan 50-100 di dunia. Kejuruteraan Petroleum kekal berada pada kedudukan 150 terbaik dunia bagi empat tahun berturut-turut. Sementara itu, Seni dan Reka Bentuk telah melonjak pada kedudukan 200 terbaik berbanding kedudukan 240 tahun lepas. Antara subjek lain yang disenaraikan ialah Seni Bina/Persekitaran Binaan, Perakaunan dan Kewangan, Undang-undang, Kejuruteraan Kimia, Pertanian dan Perhutanan, serta Perubatan.

Bagi bidang utama, kemasukan Sains Hayat dan Perubatan buat kali pertama dalam penarafan ini telah meningkatkan kedudukan UiTM apabila empat bidang utama disenaraikan berbanding hanya tiga pada tahun lepas. Sains Sosial dan Pengurusan terus menjadi bidang terkuat UiTM dengan mengekalkan kedudukannya pada tangga 361. Manakala, kedudukan bidang Kejuruteraan dan Teknologi meningkat dengan ketara, daripada kedudukan 451-500 pada tahun lepas kepada 388 pada tahun ini. Bidang Seni dan Kemanusiaan juga bertambah baik daripada kedudukan 451-500 pada tahun lepas kepada 401-450 pada tahun ini.

“Berita ini telah sampai kepada kita pada hari yang istimewa iaitu ketika kita menyambut Hari Raya Aidilfitri. Pencapaian ini mencerminkan semangat kebersamaan dan persefahaman dalam kalangan Warga UiTM mengenai hala tuju dan matlamat institusi ini,” ulas Profesor Datuk Dr. Shahrin bin Sahib, Naib Canselor UiTM. “Saya mengucapkan tahniah kepada semua Warga UiTM atas pencapaian yang membanggakan ini dan selamat Hari Raya Aidilfitri. Semoga pencapaian ini terus menyemarakkan semangat kita semua untuk meneruskan matlamat strategik ke arah menjadi Universiti Terkemuka Dunia menjelang 2025.”



Congratulations, **UiTM!**

QS World University Rankings by Subject 2024

4 Ranked in Broad Subject Area

42 Scored in Subjects

18 Ranked in Subjects



For the highest achievement in UiTM's history in the 2024 QS World University Rankings by Subject

TOP 100 Hospitality & Leisure Management	TOP 300 • Accounting & Finance • Pharmacy & Pharmacology	TOP 450 • Engineering-Mechanical, Aeronautical & Manufacturing • Agriculture & Forestry
TOP 150 Petroleum Engineering	TOP 350 Law	TOP 500 Medicine
TOP 200 Art & Design	TOP 400 • Business & Management Studies • Economics & Econometrics • Education • Engineering-Electrical & Electronic	TOP 600 • Computer Science & Information Systems • Chemistry • Physics & Astronomy
TOP 240 Architecture / Built Environment	TOP 430 Engineering-Chemical	

[in Share](#) [f Share](#) [X Post](#)

Tags: [qs world university rankings by subject 2024](#), [universiti teknologi mara \(uitm\)](#)

← UiTM Attains Its Highest Level of Achievement to Date in the 2024 QS World University Rankings by Subject

Norzahrin Bin Abd Majid from School of Civil Engineering Wins IStructE Student Prize for Excellence in Structural Engineering →

QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA (UiTM)
40450 Shah Alam, Selangor Darul
Ehsan
Malaysia

Tel: +603-5544 2051 / 2000

